



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:


**Share** — copy and redistribute the material in any medium or format

**Adapt** — remix, transform, and build upon the material



LEA  
1377

1853



# ՀԵՐԲՈՒՄՆ ԿԱՐՕՆԵՆՅ

ԳՆԱԼՈՅ ՍՐԲՈՅՆ ՊԵՏՐՈՍԻ

Ի ՀՈՒՈՎՄ

ԶՈՐ ԳՐԵԱԼ Ե

Տ. Յովհանն Գիպնակիան չափանայ Ար-  
ղայեան Վանանդեղի, Բաղճարդիան Վար-  
ժապետ Անտրոզայեան Վարժարանի :

## ՕՍԻՒՌՆԻԸ

Ի ՏՊԱՐԱՆԻ ԵՂԵՐՅ ՏԻՏԻԵԱՆ

Ընդդիմ Ղապադեպի, Թիւ 50 :

1853

ԼԵՈ

1371

1840

1840

# ՀԵՐԻՌՈՒՄՆ ԿԵՐՕՒԵԼՑ

ԳՆԱԼՈՑ ՍՐԲՈՅՆ ՊԵՏՐՈՍԻ

Ի ՀՈՒՈՎԹ

ՋՈՐԳՐԵԱԼԻ

642



Տ. Յոզան Գիպնական Կահանայ Արքայան

Սանանդեղի, Բաղճարդի-ն վարժարան

Մեարդլան վարժարանի : 28320-62

9

ՉՄԻՒՌՆԵԼ

Ի ՏՊԱՐԱՆԻ ԵՂԲԱՐՑ ՏԵՏԵԵԱՆ

1853

43710-U.K.

SECRET

SECRET

SECRET

SECRET

SECRET

SECRET

SECRET

SECRET

28 1374

1374-U

9-



Արդեօք ըստ ասելոյ Հռովմայեցոց : գնացեալ  
իցէ սրբազան առաքեալն Պետրոս յառաքելութիւն  
Հռովմայեցոց :



Հաւանականագոյն իմն հաստատու  
թեամբ ապացուցանել չէ յանմարթից  
ինչ , թէ սրբազանն Պետրոս իբրև զյա  
տուկ ոմն առաքեալ Հռովմայեցոց չէ  
գնացեալ 'ի Հռովմ' : Եւ ոչ հաստատու  
թեամբ կարեն ցուցանել , որք ասեն թէ  
նա ինքն Պետրոս յետ համբարձմանն Քրիստոսի  
զՅ6 տարի եկաց 'ի մարմնի . և  
յետ քարոզութեանն 'ի Թլփատու թեան  
և յայլոն՝ գնացեալ 'ի Հռովմ՝ հիմնեաց  
զեկեղեցի . և զամս 24 և ամիսս 5 , և  
աւուրս 10 զիշխանութիւն սրապու թեան  
վարեալ՝ 'ի 66 ամի Տեառն 'ի Ներոնէ նա  
հատակեցաւ ընդ սրբոյն Պօղոսի , և այլն .  
Նորագոյն իմն գուցէ բանս երևեցի  
և բազմաց ևս անհաճոյ 'ի լսել , որովհե-

տե կարծիք այսմ ներհական առ ամենե  
 փն հասարակեալ տեսանի, և արք մեծա  
 մեծք և սուրբք բանիւ և գրով զնոյն ա  
 ւանդեն. մինչև յետսամիտ և յանդուզն  
 համարել, որ զներհական նորին հաստա  
 անլ գուն գործեսցէ: Այլ սակայն ՚ի բաց  
 արարեալ զնախնակալ սրաշարումն՝ ընդ  
 առաքելական բանիցն տեսութիւն ուշոյ  
 քննութեամբ ճշդիւ անցանելով հաւաս  
 տագոյն և ս ՚ի վերայ հասանել կարեմք ի  
 բացն ստուգութեան, և յայանի տեսա  
 նեմք թէ ոչ եղև երբէք սրբոյն Պետրոսի  
 իբրև զյասուկ առաքեալ՝ Հռովմայեցւոց  
 գնալ ՚ի Հռովմ: Այլ այսու՝ ոչ եթէ զնա  
 խահարցն ինչ արդեօք զբանից յարդաւո  
 բութիւն ՚ի վայր արկանել գրութեանս  
 այսմիկ եղեալ եմք նպատակ, և ոչ իսկ  
 անմարդի մտօք զուսաւոր շաւիղ ճշմար  
 տութեան խնուլ շատխօսութեամբ, և  
 մտահաճ նպատճառաբանութեամբ՝ զպա  
 տիւ այլոց ազարտել զստուգապէս սրա  
 ծեւոցն յիւրեանց բարեգիտութիւնս: Այլ  
 որ ինչ առաքելականացն բանից յայո  
 նի կերպարանք իցեն, բացերև պարզու

Թեամբ յանդիման ածել . գիտելով իսկ  
 թէ չեղև ումեք 'ի մտի դնել զճշդա-  
 գոյն զննու թեամբն գալ 'ի մասին յայս-  
 միկ . այլ միայն զգրեալն 'ի Թերթու-  
 լիանոսէ զառաջինն յետ 131 ամաց և յայ-  
 լոց ևս զկնի նորա պարզութեամբ հոգւոյ  
 ընկալեալ նովին վարեցան յամենայն բանս  
 իւրեանց : Մանաւանդ իսկ չէին յայնժամ  
 պէտք ճշդութեամբ 'ի խնդրակս մխելոյ .  
 զի զայժմեան հոգի չունէին նախագոյնքն  
 յեկեղեցական պէտս Հռովմայեցւոց . որ  
 970 ամաց հետէ գալով եկն և զօրացաւ  
 յաւուրց անտի հակառակութեան Փոտայ  
 և Իգնատիոսի պատրիարգացն Զունաց  
 և այսր : Եւ ջատագովքն ամենայն ջա-  
 նիւք պաշտպանեցին և պաշտպանեն զնոյն .  
 և պարապումն իւրեանց յայն՝ սնտի պատ-  
 ճառաբանութեամբ ոչ 'ի յարգանս գրչ-  
 խաւորին առաքելոց սրբոյն Պետրոսի ու-  
 նի զգիտումն , այլ 'ի սնունդ մարմնամոլ  
 իւրեանց վէս գոռոզանաց որ ամենայն  
 փութով յիշխանասիրելն թեակոխէ . և  
 ամենեցուն լինել հրամանահան , չունե-  
 լով ինքեան զոր հաւասար . որ Եստուծոյ

է միայն , և ոչ ումեք 'ի ստեղծականաց :

Նյլ յայսպիսի երկունս յառաջագահութեան ըմբռնեալ սոցա ըստ աշխարհի խորհրդով , զինչ այլ ինչ ծնան և ծնանսին , բայց եթէ զբաղմապատիկ մոլարաղանդոց վիժածս , որք գրաւեալ զբովանդակ զայնոսիկ կողմանս , տարասահման յաշխարհէ անտի զանբիծ և զողջամիտ հաւատան վտարեցին : Նլ զանմեղ գառինս և զոչխարս հօտին Վրիստոսի՝ զորս խնամով յանձնեաց յարածունս սրբոյն Պետրոսի հովիւն ճշմարիտ , 'ի զոհմարմնաւոր իւրեանցն փառասիրութեան անխիղճ և անողորմ սրտիւ աղարտեալ վատնեալ վարատեցին , և զմիամիտ ըզգինս արեանն Վրիստոսի 'ի վարձ անօրէն իւրեանց կամակորութեան վաճառակուրս գերեցուցին : Նլ ըստ նորուն իսկ սրբազանին Պետրոսի նախագիրն գուշակութեան (բ Պեպր . բ . 3 =) «Վգահութեամբ մտացածին բանիւք առնեն (և արարին) վտարանդի (զյատուկ ժողովուրդս իւրեանց .) որոց դատաստանն 'ի բնէ ոչ դատարկանայ , և կորուստն ոչ

նիրհեցէ : « Այլ մեք զայսոսիկ յանաչառ  
 ընտրութիւն դատաստանին Աստուծոյ  
 թողեալ որոյ է դատել և հասուցանել  
 ըստ գրոյն , յառաջ եղեալս խնդրոյ բա-  
 ցատրութիւն ճշմարտասէր հոգւով հան-  
 դիսասցուք :

Արդ՝ յորժամ ուշի ուշով յառաքելա-  
 կան գրութիւնսն հայեցցուք . ստուգիւ-  
 շտանեմք թէ սրբազանն Պետրոս բազում  
 և սամաց ժամանակօք քան զոր համարին  
 Հռովմայեցիք կացեալ իցէ 'ի կողմանս  
 Պաղեստինու : Վասն զի այն ինչ 'ի դէպ  
 եկն ժամանակն , յորում սրբազան առա-  
 քեալքն ունէին սփռիլ ընդ ոլորտս տի-  
 եղերաց ըստ պատուիրանին Քրիստոսի .  
 յաջողեցաւ 'ի Հոգւոյն սրբոյ զի սուրբն  
 Պետրոս 'ի մէջ թլփատութեան այսինքն  
 է 'ի Հրէայս քարոզեսցէ զԱւետարանն  
 Քրիստոսի և զփրկագործ Տնօրէնութիւն  
 նորա : Այլ յայս իսկ յիշանել Հոգւոյն  
 սրբոյ յառաքեալսն՝ զառաջինն քարոզու-  
 թիւնն Պետրոսի զերեք հազարսն 'ի Հը-  
 բէից աշակերտեաց , և դուռն եղև վի-  
 ճակի նորա 'ի Հրէաստանի : Աւստի և

ինքն Պետրոս յետ բազում ամաց առ որք  
 'ի Հրէիցն էին հաւատացեալք իբրու 'ի  
 յատուկ իւր վիճակեալ զկաթուղիկէ իւր  
 հրահանգ խրատու ուղեորէր, հաստա-  
 տել զնոսա 'ի ճշմարտութիւն հաւատոյն:

Օսոյն զայս յայտնի վկայէ սրբազանն  
 Պօղոս 'ի Բաղ. բ. 7: «Վասն զի, ասէ  
 անդանօր, թէ յետ ամաց չորեքտասանից  
 միւսանգամ ելի Արուսաղէմ և առան-  
 ձինն զբարոզութիւն աւետարանին ըզ-  
 գացուցի այնոցիկ, որք կարծեալ էին.  
 թէ ընդունայն ինչ ընթացեալ իցեմ կամ  
 ընթանայցեմ 'ի նմին առ հեթանոսս, և  
 կարծեալքն՝ որք են Յակոբոս՝ Վեփաս և  
 Յովհաննէս այնպիսի ինչ ոչ զգացուցին  
 ինձ, այլ զնորին հակառակն, իբրև տե-  
 սին թէ հաւատացեալ է ինձ աւետա-  
 րանն անթլիատութեան, որպէս Պետ-  
 րոսի 'ի թլիատութեան: Եւ թէ ուս-  
 տի՞ արդեօք իցէ հաւատացեալ, աւասիկ  
 ասէ առ նմին, «Օի որ յաջողեացն Պետ-  
 րոսի՝ (Հոգին սուրբ) յառաքելութիւն  
 թլիատութեան, յաջողեաց և ինձ 'ի հե-  
 թանոսս:» Աւստի և որք 'ի շնորհաց Հո-

գւոյն զօրացեալք, զամենայն զմարդկե-  
 ղէն կարծիս առ ոտն հարեալ էին վար-  
 դապետքն ճշմարտութեան, իսկոյն հա-  
 ւանական հաճութիւն մատուցեալ ընտ-  
 րուէ և յաջողման Հոգւոյն Նստուծոյ,  
 ըստ որում և պարտաւորք իսկ էին. յայն  
 միտս հաստատեցան, զի նորա 'ի թշիա-  
 տութեան լինիցին քարոզք, և սուրբն  
 Պօղոս 'ի հեթանոսս, որպէս և ասէ ան-  
 դանօր. «Իբրև գիտացին զչնորհսն, որ  
 տուեալ են ինձ, Յակովբոս և Կեփաս և  
 Յովհաննէս, որք կարծեալ սիւնքն էին,  
 ձեռն ետուն հաւանութեան ինձ և  
 Բառնաբայ, զի մեր 'ի հեթանոսս, և  
 նորա 'ի թշիատութեան. բայց միայն  
 զի զաղքատսն (այսինքն է զառ 'ի Հրէ-  
 իցն զհաւատացեալսն, որ Արուստաղէմ  
 բնակէին, և տրովք արդեանցն առ 'ի  
 հեթանոսաց 'հաւատացելոցն զդարման  
 կենացն պաճարէին.) յիշեսցուք. զոր  
 և ես փութացայ զնոյն առնել: »

Իւ սովին պատճառաւ գտանեմք ա-  
 լասիկ 'ի պրակս առաքելացն զՅՆ՝ կամ  
 ըստ այլ ստուգագոյն հաշուի՝ զՅԹ ամն

յետ համբարձմանն Քրիստոսի Տեառն  
 մերոյ դեգերիլ սրբազանին Պետրոսի ՚ի  
 կողմանս Հրէաստանի և Մնտիոք : Ուր  
 կացեալ զամս եօթն վարեաց զիշխանու  
 թիւն արքեպիսկոպոսու թեան . թէպէտ և  
 յառաջ քան զդնայն նորա Մնտիոք՝ որ ե  
 ղև յետ ժողովոյ առաքելոցն , էին անդա  
 նօր հաւատացեալք . և քրիստոնեայ ա  
 նունն հաստատեալ էր զառաջինն ՚ի վե  
 րայ հաւատացելոց : Վասն զի ցրուեալքն  
 ՚ի նեղութենէն՝ որ եղև ՚ի վերայ Ստե  
 փաննոսի և անդր հասին , և զբազումս  
 աշակերտեցին : Օր լուեալ եկեղեցին՝  
 որ Արուսաղէմ՝ առաքեն անդ զՊաւ  
 նարսո՝ և նա հասեալ անդր և ուրա  
 խութեամբ լիեղեալ ելանէ ՚ի Տարսուս  
 ՚ի խնդիր Պողոսի , և գտեալ ածէ Մն  
 տիոք ուր զամն ողջոյն ժողովեալ զեկե  
 ցին և ուսուցեալ քրիստոնեայ անուա  
 նեն զաշակերտեալսն : Վնդ մարգարէանայ  
 Մքաբոս զհամաշխարհական սոյն . և ան  
 տի առաքեն զպէտս եղբարցն Հռէաս  
 տանի ՚ի ձեռն Քառնաբայ և Պողոսի :  
 Յետ այնորիկ ձեռն արկանէ Հերովդէս



չարչարել զամանա յեկեղեցւոյն և  
 զեղբայրն Յովհաննու զՅակովբոս սրով  
 ուրանանէ : Եւ 'ի տեսանելն' թէ հաճոյ  
 է Հրէից մահ և չարչարանք առաքելացն ,  
 յաւելլու ունիլ և զՊետրոս և զը  
 նել 'ի բանտի յաւուրս բաղարջակերաց .  
 և Պետրոս հրեշտակիւ զերծեալ 'ի բան  
 տէն' խոյս տայ գնալ յայլ տեղի , որ  
 համարի կողմն Փիլիպպեայ Աեսարեայ :  
 (Պործ . Ժբ . 19 :)

Երգ 'ի ժամանակին' յորում զայսպիսի  
 նահատակութիւնս առաքինանայր սրբ  
 բաղանն Պետրոս , ասեն Հռովմայեցիք  
 գնել զաթոռ իւր 'ի Հռովմ' : Եւ սա  
 կայն քաջայայտ է , զի ցայնժամ չէր մեկ  
 նեալ երանելին 'ի կողմանցն Պաղեստի  
 նացւոց , այլ իբրև գյատուկ առաքեալ  
 թլփատութեան յայնասիկ կողմանս շը  
 ջեալ աւետարանէր : Եւ որպէս 'ի կար  
 գէ բանին մարթ է իմաստասիրել , 'ի  
 կողմանցն Ագիպոսի' ուր սուրբն Սար  
 կոս աւետարանիչ քարոզեաց Ագիպոս ,  
 Աղեքսանդրիա և 'ի Թեբայիդ , հաս  
 տապեաց զեկեղեցիս , և ձեռնադրեաց

քահանայս , գրել սրբոյն Պետրոսի զԹուղ-  
 թըն կաթուղիկեայց առ ուր 'ի Հրէիցն հա-  
 ւատացեալս . զի անշարժ արմատացին 'ի  
 հաւատս . և մի՛ վասն նժգեհական նե-  
 ղութեանցն երբէք դըրդուեցին . Ալ-  
 զայս ստուգէ մեզ ողջոյնն , զոր ընդ իւ-  
 րումն ողջունի լծորդեալ՝ տայ նոցա 'ի  
 դիմաց եկեղեցւոյն և սրբոյն Վարկոսի ,  
 յասելն (ա Պեք . 13 .) « Աղջոյն տայ ձեզ ,  
 որ 'ի Տաբելոն ընտրելակից եկեղեցին է  
 և Վարկոս որդի իմ : » Օ եկեղեցին ըզ-  
 հիմնեալն 'ի Վարկոսէ ընտրելակից ա-  
 նուանէ . վասն զի Վարկոս չէր յերկոտա-  
 սանից : յորոց հիմնաւորեալքն ընտրեալ  
 անուանէին . և զԱզիպտոս՝ Տաբելոն , վա-  
 սըն բազմալեզու ազգաց 'ի նմա խոնելոց :

Հայս միտ՝ որք 'ի Հռովմէ ասեն  
 զայն Թուղթ գրեալ սրբոյն Պետրոսի ,  
 ոչ մեծ ինչ ընծայեն Հռովմայ ըստ չա-  
 փու պարծանացն Հռովմայեցւոց . զի դը-  
 նեն զեկեղեցի նոցա հիմնեալ ոչ յըն-  
 տրելոց այլ յընտրելակցաց՝ յաշակեր-  
 տացն առաքելոց : Ալ մի՛ պատրեսցէ ըզ-  
 նոսա կոչումն Տաբելոն : զի սովոր են գիրք

յայլ և յայլ դէմս ըստ պատշաճի զան-  
 ուանցն բերել զյորջորջումն : Արպէս ա-  
 հաւաստիկ աստ զանուն Ռաբելն առնու-  
 սրբազանն Պետրոս փոխանակ Եփրատի  
 վասն բազմադիմի խառնածայն լեզուաց  
 անդանօր եղելոց : Եւ սուրբն Յովհան-  
 նէս 'ի Յայտ . Ժէ . 5 . խորհրդով առ-  
 նու փոխանակ Հռովմայ յաղագս որ 'ի  
 նմին գարշելի և անմաքուր պոռնկու-  
 թեանն 'ի կուռս , և վասն այլոց աղոթ-  
 զի խառնակութեանցն , զորս կռապաշ-  
 տութիւնն սնուցանէր յոչ վայելեալն  
 յերկնատուր շնորհացն նորոյս : Եւ 'ի նը-  
 մին իսկ Յայտ . Ժա . 8 . զԱրուսաղէմ  
 քաղաքն կոչէ ըստ Հոգւոյն Սողոմ և Ե-  
 գիպտոս , վասն արտաքոյ կարգի ամբա-  
 բըշտութեան նոցա 'ի Փրկիչն եկեալ :

Եւ յի բաց թողեալ մեր զայսպի-  
 սեացն քննութիւն՝ եկեացուք և յայլ  
 ցուցմունս , զոր թուղթքն սրբազանին Պո-  
 ղոսի՝ մեզ առաջի բերեն : Արյն ինքն սրբ-  
 բազանն Պողոս իրազէկ լեալ հակառա-  
 կութեանն , որ 'ի մէջ հաւատացելոցն 'ի  
 Հրէից և 'ի հեթանոսաց , անդէն առ

նմին փոյթ յանձին բերէ սքանչելի վարձ  
 դապետութեամբ 'ի միաբանութիւն բը  
 ըխտոնէական բարեմտութեան անձել  
 և ղերկոցունց կողմանց զպարծանս 'ի նա  
 խահարսն ունայնս դերեկեցուցեալ՝ գրէ  
 առ նոսա թուղթ 'ի Մ. թե՛նայ յամի Տեա  
 ւրն 59, որպէս համարին, և մեղմա  
 ցուցանէ զգահասիրութեան կռիւն յե  
 կեղեցւոյ : Օ՛ր է ղի սրբազանն Պետ  
 րոս՝ զոր համարին յատուկ առաքեալ  
 Հռովմայեցւոց, թէ և յայլ կողմանս  
 էր յայնժամ, չտանի բնաւ փոյթ խա  
 ղաղել զվէճն : Հիմ արդեօք թողու ըզ  
 նոսա յընդունայն վիճմունս տագնապիլ :  
 Եւ նորին իսկ Հռովմայեցիք էր աղա  
 գաւ չազդեն ինչ նմա ղեկեղեցւոյ իւր  
 եանց զտագնապ խռովութեան : Մի՞թէ  
 լքեալ էր և 'ի բաց թողեալ ղնոսա գը  
 նալ ըստ կամաց իւրեանց, և ո՛ւր մը  
 նայր արդեամբք յարդաւորութիւն պա  
 տուիրանի իւրումն վարդապետի, թէ Մ.  
 բաժեան զգառինս, արածեան զոչխարս իմ :  
 Եւ որ ինքն այլոց առաջնորդաց աղաչե  
 լով օրինադրէր Մ. բաժեցի՛ : ասելով՝ որ 'ի

ձեզ հօտդ է Վստուծոյ, զառանցանէր  
 քնչ արդեօք 'ի նմին. օն անդր 'ի բայց  
 տար: Վ.ՅԼ զի՛նչ. այն ստուգի հաւատ  
 տեաւ, թէ սրբազանն Պետրոս չէր յայ  
 նասիկ կողմանս. և ոչ իսկ յառաքելութի  
 Հռովմայեցւոց որոչեալ երբէք: Վասն  
 զի եթէ էր յիրաւի, պարտ և պատշաճ  
 էր նմա զպաշտօն իւր փառաւոր առնել  
 զամենայն ջանս յանձին բերելով՝ առ  
 'ի միասիրտ սիրոյ յօգաւորութի զերկօսին  
 կողմանս միաւորել. որպէս և սրբա  
 զանն Պօղոս առնէ աւասիկ, և ըստ վա  
 յելչուէ ևս 'ի նոյն պարծի, անհարատ  
 հոգւով գրեալ առ նոսա: (Հռովմ. ժա.  
 13:) « Վ.ՅԼ ձեզ ասեմ հեթանոսաց,  
 ասէ. ցորչոյի ժամանակս իցեմ հեթա  
 նոսաց առաքեալ, զպաշտօնն իմ փա  
 ռաւոր առնեմ »:

Եւ ահա այս իսկ է պատճառ. զի 'ի  
 գրել սրբոյն Պօղոսի զթուղթն իւր առ  
 Հռովմայեցիս, զամենայն անդր եղեալ  
 զերեւելիսն յանուանէ յիշէ 'ի յողջոյնան,  
 և ոչ դնէ երբէք 'ի յիշատակութեան զա  
 նուն Պետրոսի սրբազան առաքելոյն:

Եւ կարկառուեցեն մի բնաւ, թէ գիտէր  
 սրբազանն Պօղոս, զի սրբազանն Սեւորոս  
 չէ 'ի Հռովմ անդր, այլ 'ի քարոզութի  
 'ի կողմանս նորին, վասն այնորիկ չիչէ  
 զանուն նորա 'ի մէջ ողջունիցն, զի չզօրէ  
 'ի հաստատութի ձկնայինդ այդ սողոսկաւ  
 թիւն: Վանդի թեպէտ և յայլ կողմանս  
 'ի քարոզութի դեղերէր, 'ի լսել իւրում  
 զերկպառակութի իւրոյ ժողովրդեան, չէր  
 արդեօք մանաւանդ պարտաւորութիւն  
 յաւէտ քան զամենեսին կանխել 'ի դար-  
 ման փութալ և ոչ թողուլ բնաւ և ոչ  
 փոքու վայրկենիւ մուտս դասներ զա-  
 հասիրութե ախտին 'ի մատաղատի յայն  
 հասարակութի, որ մեծագոյն իմն խոչ էր  
 իւրումն ջանի. և իբրև զքաղցիկեղ հա-  
 մաճարակ փոյթ ընդ փոյթ վաղս արձա-  
 կէր յամենայն կողմանս 'ի նոյն համակել  
 յախտաւորութի, որ աղարտիչն էր խո-  
 նարհուն Յիսդւսի: Վանդի յառաջադէմ,  
 և պատուաւոր ոմանք էին Հռովմայե-  
 ցիք, ընդաբոյս իմն և զոգին ունելով  
 իջնելոս 'ի վերայ ամենայնի 'ի հիմնա-  
 դրութենէ անտի Հռովմայ և այսր. որ

Թերևս կամ ընդ աշխարհի առցէ զվախ  
ճան , և կամ յանեղրափակ յաւիտենին  
նովին ոգւով գահասիրեալ՝ զերկոսին  
իսկ զօթարանս՝ զսգոյն ասեմ և զբերկ  
բուժեանն լցցէ աղմկաւ և 'ի հեճուկս  
անկանելով :

Գոյ աստանօր և զայս ինչ ամել զմտաւ .  
զի սրբազանն Պօղոս կապեալ վասն Վրիս  
տոսի 'ի Հռովմ առաքի , և լուեալ եղ  
բարցն՝ ընդ առաջ ելանեն ցԱրգոստայն  
Վափեայ և երիցն կրպակաց . զօրս տե  
սեալ Պօղոս՝ ուրախանայ և քաջալերի .  
(Գործ . իբ . 15 =) Եւ 'ի մտանելն իւր 'ի  
Հռովմ , առանձին լինել հրամայի նմա  
հանդերձ զինուորաւ պահպանաւ իւրով .  
և զամս 2 իւրովն վարձու եղեալ անդա  
նօր՝ անխափան ամենայն համարձակու  
թեամբ զարքայուին Վստուծոյ քարոզէ  
աւետարանեալ զՅիսուս Վրիտոս , որոց  
պատահէինն : Արդ՝ այս ամենայն լինի  
և յաջողի 'ի ձեռն քարոզուէ սրբազանին  
Պօղոսի . և յինչ պատճառս ջնթեռնումբ  
ուրեք , թէ անդ 'ի Հռովմ յայս ինչ  
գործ ընկերակից եղև սրբոյն Պօղոսի սրբ

28320-62  
1642



բաղանն Պետրոս, կամ թէ իբրև զյա-  
տուկ առաքեալ Հռովմայեցւոց, յայս  
և յայն գործս խորհուրդ ետ Պօղոսի զի  
այնու վարեցի 'ի բարիս վիճակի իւրում,  
և կամ եղբայրսիրաբար հոգացաւ ինչ  
զՊօղոսէ, որ կապեալ առաքեալ էր անդր  
իբրու դատելի և այլն: Օրիւր յառա-  
ջին գլուխսն սրակաց առաքելոց ստէպ  
ստէպ յիշատակի անուն սրբոյն Պետրոսի  
մինչև 'ի ծե. գլուխն, յետ այնորիկ չլի-  
նի յիշատակ 'ի Վործս առաքելոց: Այլ  
միայն ինքն Պօղոս յիշատակէ յետ ժողովոյ  
առաքելոցն եկեալ Անտիոք (Վաղ. բ. 11:)  
ուր նստիլ ասի զամս եօթն, և հիմն ե-  
կեղեցւոյ դնել անդանօր և այլն:

Յետ այնորիկ յատեան կայսեր Վերոնի  
գայ սուրբն Պօղոս ընդ անձին առնել  
պատասխանի, և ոչ գտանէ յումեքէ  
նպաստ թիկնապահուէ, այլ ինքնին մի-  
այնակ ըստ աստուածատուրն շնորհաց 'ի  
ճատագովութիւն իւր ատենաբանեալ  
յառիւծուն ձեռաց զերծանի: Արպէս  
և գրէ. (բ Տիճ. գ. 16:) «Յառաջնում  
Աւագի ոչ ոք 'ի թիկունս եկաց ինձ:



այլ ամենեքին թողին զիս . մի համարեալ  
ցի նոցա այն : Այլ Տէր օգնեաց ինձ :  
և զօրացոյց զիս , զի ինև քարոզու թիւնն  
հաստատեացի , և լուիցեն ամենայն հե-  
թանոսք , և ապրեցայ ես 'ի բերանոյ  
առիւծուն " այսինքն է Վերոնի :

Արդ զի՛նչ գոյ կարծել մեզ յազազս  
այսր . անդ էր սուրբն Պետրոս , և ձեռն  
Թափ ինչ եկաց 'ի Պողոսէ , չազդեաց ինչ  
արդեօք 'ի նա յիշատակարան անխաբ դա-  
տաւորին , թէ ի բանսի էի եւ եկիս առ իս :  
Չցաւեաց ինչ նմա վասն յատեան գու-  
զանին մատնելոյն : Յանդգայս ցուցաւ  
ինամոտ աղիք սրբոյն Պետրոսի յօգնուի  
բերիլ իւրումն պաշտօնակցի , և ոչ բը-  
նաւ , գթածն Պետրոս չառնու զայդ  
յանձն , ինքնայօժսր է նա 'ի կարիս ա-  
մենեցուն լինել կարեկից :

Այլ չէր 'ի դէպ նմա (ստացեն գուցէ)  
և անպատու ինչ յողն կանգնիլ 'ի նորաստ  
Պողոսի : Այլ լեր սվ դու՝ որ զայդ բար-  
բառիս , զի ընդ յանիրաւս տրանջողացն  
դատաստանօք զիրաւասէրն արկանես Պո-  
ղոս : Այլ թէ անպատեհ էր , յոյր սակս

ապա իբրև ղհեղգացելոց ոմանց գանգա-  
տըս արձանագրէր յաշխարհէ յաշխարհ :  
Սասն էր ապա իբրու վասն զառանցելոց  
և սողտելոց յեղբայրսիրութեան մասին  
առ Մտուած աղերս յարգարէր չհամա-  
րիլ նոցա զայն 'ի յանցանս : Նա՛ եթէ չէր  
նմա ակնկարութիւն պաղոյ թիկնապա-  
հութեան նոցա , չցաւ էր ինչ նմա երբէք ,  
և չգրէր գանգատ ինչ զնոցանէ :

Սրբազանն Պօղոս անտի 'ի Հռովմայ զա-  
ռաքելական թուղթս գրեաց առ Վաղա-  
տացիս , առ Փիլիպպեցիս , առ Կողոսա-  
ցիս , առ Փիլիմոն , և առ Տիմոթէոս , և  
յամ 'ի նոսա առաքէ ողջոյն յանուա-  
նէ 'ի Հռովմ եղելոց , իսկ զանուն սրբ-  
բազանին Սեարոսի չքերէ 'ի յիշումն բը-  
նաւին յայնոսիկ . և ղի՛նչ և ս յայտնի ցոյց  
չլինելոյ անդր սրբոյն Սեարոսի . վասն զի  
եթէ անդ էր , կամ որոշեալ յառաքե-  
լութիւն կողմանցն այնոցիկ , անշուշտ  
բերէր 'ի յիշումն պատճառաւ իւիք :

Եկեացուք և յայլ հաւաստիս , զորս  
մարթ է հաւաքել 'ի թղթոցն սրբոյն  
Պօղոսի առ Վաղատացիսն : Բայց զայս

նախ յուշ առնել 'ի դէպ է, զի ոմանք  
 ասեն թէ յետ համբարձմանն Քրի տարի  
 մի անցեալ՝ քարկոծեցաւ սուրբն Ստե-  
 փաննոս, և ամաւ միով յետոյ քան զնա-  
 հատակուի նորա հաւատաց սուրբն Պո-  
 ղոս, որով երկու ամօք յետոյ քան զհամ-  
 բարձումն հաշուեն զժամանակ դարձմանն  
 Պօղոսի: Այլ սակայն Ուլիդիոս յաջորդն  
 Պետրոսի յնախօք յիւրումն ժամանակա-  
 գրութեան ըսա լատինացւոց իսկ՝ եօթն  
 ամօք յետոյ քան զհամբարձումն դնէ  
 զքարկոծումն Ստեփաննոսի, որպէս և  
 ընդարձակութի իրացն զնոյն պահանջէ,  
 վասն որոյ և մեք զնոյն հաշիւ առնումք  
 աստանօր, թէպէտ և զառաջինն ևս ա-  
 ռեալ չինասեմք ինչ դրութե մերում,  
 ըստ որում կան ևս միջոցք ժամանակի  
 յորում Բառնաբաս և Պօղոս որոշեցան  
 'ի Հոգւոյն 'ի գործ քարոզութեան 'ի  
 բազում տեղիս, զորս չեղաք 'ի հաշիւ:  
 Արդ՝ եօթն ամօք յետոյ քան զհամ-  
 բարձումն Քրի քարկոծի սուրբն Ստե-  
 փաննոս, որոյ սարանմանն կամակից էր  
 սուրբն Պօղոս, որ և յետ այնորիկ տա-

կաւինն ՚ի մնասակարուի եկեղեցւոյ փոյթ  
 ՚ի մէջ առեալ զժամանակ ինչ լսէ թէ են  
 ՚ի Վամասկոս քրիստոնէիցն ժողովուրդք,  
 և առ ջերմեռանդ նախանձախնդիր հայ-  
 ընի օրինացն լինելոյ՝ թղթով քահանա  
 յապետիցն դիմէ ՚ի Վամասկոս, ածել  
 և անտի կապեալս Արուսաղէմ, և զճա-  
 նասարհայն յայտնութեամբն Յիսուսի  
 զգաստացեալ հաւատայ ՚ի Քրիստոս,  
 և մկրտեալ անդէն առ նմին սկսանի  
 քարոզել ՚ի Վամասկոս և Արաբիա զամս  
 երիս: Յետ այնորիկ տարա ելանէ Արու-  
 սաղէմ տեսանել զՊետրոս և լինի առ  
 նմա զաւուրս հնգերտասան, որպէս և  
 պատմէ նա ինքն (Մաղ. ա. 18:) Եւ ապա  
 դարձ արարեալ ՚ի կողմանս Կսորւոց և  
 Ալիկեցւոց՝ շրջի ՚ի քարոզուի Աւետա-  
 րանին, և յետ ամաց չորեքտասանից  
 միւսանգամ ելանէ Արուսաղէմ ընդ  
 Քառնաբայ, առեալ ընդ իւր և զՏի-  
 տոս, և զգացուցանէ անդանօր Յակով-  
 բու Աեփայի և Յովհաննու զքարոզուին  
 իւր ՚ի հեթանոսս, զի ՚ի կարծիս էին  
 վասն Պողոսի, թէ ընդունայն ինչ իցէ

ընթացեալ 'ի նմին : Եւ անտի դառնայ  
վերադին Անտիոք և յայլ ևս կողմանս  
ըստ որոշման Հոգւոյն , և քարոզէ ոչ  
սակաւ ինչ ժամանակս . որպէս յայտ է :  
(Գործ . ԺԳ . 2 , և ԺԳ . 27 :

Յայտոսիկ աւուրս իջանեն ոմանք 'ի  
Հրէաստանէ , և ուսուցանեն նորահա-  
ւատ քրիստոնէիցն 'ի հեթանոսաց ըւ-  
թլիստուի , ընդդէմ որոց բազմագոյն  
բանիւք վիճմունս արարեալ Պօղոս և  
Քառնարաս , հուսկ յետոյ որոշեն ելանել  
Ալքուսադէմ 'ի սահմանել զինդիրն :  
Այր աղագաւ և ժողով գումարի առա-  
քելոցն յորում կայր և սրբազանն Պետ-  
րոս , և լուծանեն զվէճն ըստ իրաւանց :  
Ապա առաքի սրբազանն Պետրոս Անտիո-  
քայ առաքելուի , և վարէ անդ զեօթն  
ամեայ իշխանուին . ուր և ոչ ուղիղ գնա-  
լով 'ի ճշմարտուի Աւետարանին՝ յանդի-  
մանի 'ի սրբոյն Պօղոսէ : (Գաղ . Բ . 11 :

Երդ՝ յետ ութն ամի ՚ի համբարձմա  
նէն Քրիստոսի հաւատայ Պօղոս . . . 8

Յետ երից ամաց ելանէ Ա-  
րուսաղէմ տեսանել զՊետրոս . . . 3

Գարձեալ յետ ամաց չորեք-  
տասանից ելանէ Արուսաղէմ . . . 14

Յետ ժողովոյ առաքելոցն  
սուրբն Պետրոս վարէ Ան-  
տիոք զիշխանութիւն ամս . . . . 7

Գոյ թէպէտ և միջոց բազում ժամա-  
նակաց ընդ մէջ աւուրցն, յորս որոշե-  
ցան Պօղոս և Տառնաբաս ՚ի Հոգւոյն  
առ գործ, յոր կոչեցան մինչև ՚ի ժողովն  
առաքելոց, այլ ՚ի հաշիւ ոչ արկաք,  
այլ թողաք զի եթէ ոք ոչ ընկալցի զՑ  
ամաւ յետոյքան զհամբարձումն զդարձն  
Պօղոսի առաքելոյ, զոր ասէ յաջորդն  
զկնի Պետրոսի Անտիոք Ավիդիոս, այն  
ժամանակք ընդ այնր համարեցին: Աւու-  
տի և ստուգիւ տեսանէ ամենայն ոք՝ թէ  
մինչև ՚ի վաթսուէն և ՚ի հինգ ամն Տեառն  
մերոյ չէր տակաւին սրբազանն Պետրոս

զնացեալ 'ի Հռովմ, այլ 'ի կողմանս  
Պաղեստինացւոց և Մոսիոքայ շրջեր 'ի  
քարոզութիւն ըստ առաքելական բանիցն  
վկայութեան :

Իսկ թէ յուսմէ՞ արդեօք զառաջինն  
քարոզեցաւ 'ի Հռովմ քրիստոնէուի ,  
վեղ 'ի քննին մտանել չէ 'ի դէպ , մեք  
զայս միայն իմանամք յառաքելական գրու-  
ածացն , թէ սրբազանն Պետրոս իբրև  
զյատուկ առաքեալ չգնաց 'ի Հռովմ ,  
և նախ քան զՀռովմ՝ հիմնադիր եկե-  
ղեցւոյ եկաց Մոսիոք , ըստ որում և  
յաջողուած քարոզութեան նորա 'ի  
Թրիատութեան էր : Օի թէպէտ և ընդ-  
այլ առաքելոցն ունէր զսրատուէր 'ի  
Տեառնէ աշակերտել զամ հեթանոսս ,  
և ուսուցանել նոցա զպահպանութիւն  
սու 'ի Քրիստոսէ պատուիրելոցն , բայց  
յատուկ վիճակ քարոզութեան նորա ու-  
րոշեցաւ 'ի Թրիատութեան : Եւ յայտ  
իսկ՝ յորժամ պէտք եղեն ստասաւորու-  
թեան նորա յաշակերտել զՎուռնէիոս  
հարիւրապետն 'ի կողմանս Հրէաստացնի ,  
մասնաւոր իմն ազդեցութեամբ Հոգւոյն

որքոյ հրամայեցաւ գնալ և մի ինչ խըղ-  
 ձել: Օհ առաքեալ գոլով թլփատուե՞  
 այսինքն Հրէից, խղճէր մտանել առ  
 արս անթլփատս ըստ Հրէիցն սովորու-  
 թեան. որով ընտելացուցանէր զանձն՝  
 նոցա, որպէս և ընդ խիղճ հարան մեր-  
 ձենալ առ նա որք ՚ի թլփատութենէ  
 հաւատացեալք յեւանելն իւր Արուսա-  
 ղէմ, զորս միամտեցոյց պատմութեամբ  
 եղելոցն իրաց:

Նա գտանեմք իսկ՝ զի յետ համբարձ-  
 մանն Վրիստոսի ՚ի նմին իսկ ամի կայ-  
 սերական հրամանաւ յարգեցաւ քրիս-  
 տանէութիւն ՚ի Հռովմ անդր, որպէս  
 ունիմք ստուգիւ ՚ի դիւանացն Աբգարու  
 Հայոց թագաւորի, որ անդրանիկն է  
 յամենայն կռապաշտ թագաւորացն ՚ի  
 Վրիստոս, և յառաջ քան զխաչելուին  
 գրաւոր նամակախօսութեամբ խոտովա-  
 նող Վրիստոսի, և ընդ ունող առ ՚ի նմա-  
 նէ զպատասխանին: Օր ըստ ճշմարտու-  
 թեան բերէ Մովսէս Խորենացի պատմա-  
 բան, առեալ ՚ի Վերուբնեայ դիւանա-  
 գրէն Աբգարու: Վանդի ասէ անդանօր



Թէ յետ լուսաւորելոյն Աբգարու քրիս-  
 տոնէական հաւատով և մկրտութեամբն  
 'ի սրբոյն Թադէոսէ առաքելոյ յամի  
 ծննդեան Տեառն 33 . իսկ և իսկ կան-  
 խեաց գրեաց առ կայսրն Տիբերիոս .  
 զորոյ օրինական ունիմք ամբողջ գրեալ  
 առ Խորենացւոյն (բ . 30 :) Արդ 'ի նա-  
 մակին՝ որ առ Տիբերիոս , ցուցեալ Աբ-  
 գար զսքանչելագործութիւն Քրիստոսի ,  
 զխաչն , զյարութիւնն և զայլն . գրէ  
 և յորդորէ զնա հաւատալ 'ի Քրիստոս՝  
 ասելով . “ Այլ արդ՝ այսուհետե գիտէ  
 տէրութիւնդ քո . . . գրել ընդ ամենայն  
 տիեզերս , զի երկրպագեսցեն Քրիստոսի  
 իբրև ճշմարիտ Աստուծոյ ” : Առ այս սրա-  
 տասխանի արարեալ կայսրն Տիբերիոս՝  
 ցուցանէ թէ և ինքն իսկ յառաջ քան  
 զգրելն Աբգարու կամեցեալ էր զնոյն ,  
 և 'ի տհաճութենէ սինկղ'տոսին արդե-  
 լեալ . ըստ որում հրամանաւ Թագաւո-  
 րին միայն , և առանց քննութե սինկ-  
 զիտոսին չէր սովորութի Հռովմայեցւոց  
 Աստուած հաստատել : Այլ ասպա ասէ .  
 “ Այլ մեք տուաք հրաման ամենայն

տրեք, որում և հաճոյ թուեացի Յի-  
սուս, ընկալցի զնա ընդ աստուածս, և  
մահ այնոցիկ սպառնացեալ, որ չարա-  
խօս կայցեն զքրիստոսնէից: Սասն որոյ  
յայտնի երևի, թէ յառաջագոյն ևս  
յարգեալ էր ՚ի Հռովմ քրիստոսնէուի,  
այն ինչ տակաւին ՚ի կողմանս Պաղեստին-  
նացւոց էր սրբազանն Պետրոս: Եւ ժա-  
մանակն՝ յորում դնեն Հռովմայեցիք  
հաստատել Պետրոսի զաթոռ իւր ՚ի Հռ-  
ռովմ, ընդդէմ ելանէ ստուգագիր պատ-  
մութեան պրակացն առաքելոց:

Արդ՝ առ ՚ի հաւանեցուցանել զգնալն  
Պետրոսի ՚ի Հռովմ ասեն ոմանք ՚ի նու-  
ցանէ, որպէս և Փերոն ոմն իւրեանց  
պատմագիր թէ ըստ պիտանուէ գործոց  
և իրաց երթեկեկս առնէր ՚ի Հռովմայ  
՚ի Պաղեստին, այլ սակայն ըստ ախոր-  
ժանաց անհիմն զրոյց է: Օի սչ միայն  
երևոյթ առաքելական բանիցն չտայ մեզ  
հաւանական համարել զայդ կարծիս,  
այլ և ըստ սովորութեան միճակի այնր  
ժամանակի դժուարուի մեծ գուշակի:  
Քանզի նաւարկութիւն առ այնու ժա-

ժամանակօք չէր այնքան ընտելագոյն , զի  
 յորում ժամանակի և դէպ լինէր , հա-  
 մարձակ նաւեցեն . զոր ստուգէ մեզ  
 նաւարկութիւնն սրբոյն Պօղոսի : (Մործ .  
 15 ) Աւր և յայտնի աւանդի , թէ զայ-  
 նու ժամանակաւ . զողջոյն միջոցս ձմե-  
 րայնւոյն 'ի նաւահանութիւնն ձմերէին :  
 Եւ զի յատկացեալ էր նմա քարոզութիւն  
 'ի Թրիապոլիտեան . և ընդ Յակովբու  
 և Յովհաննու՝ որպէս և գրէ սուրբն  
 Պօղոս . սիւնք էին նորա նորոց քրիստո-  
 նէական կարգացն կառավարուէ , հարկ  
 'ի վերայ կայր զբազում ժամանակս ա-  
 մաց 'ի կողմանս Պաղեստինու ունիլ ըզ-  
 դեգերումն , որպէս և է իսկ ստուգու-  
 թեամբ :

Եւ զսոյն զայս նա և Հռովմայեցւոցն  
 դրութիւն հաստատէ . քանզի համարին  
 նորա , թէ յետ քարոզելոյ սրբոյն Պետ-  
 րոսի 'ի Թրիապոլիտե ըստ որոշման Հռ-  
 գւոյն , և յետ տարածելոյ զհաստատուն  
 ծաւալումն քրիստոնէական հպատակուէ  
 և անմեղկութեան 'ի հաւատացեալսն՝  
 որք 'ի Հսէիցն սիւնեալ էին 'ի Պոնտոս :

'ի Վաղատիտ , 'ի Կապադովկիա , Միտա  
 և 'ի Վիւթանիա . և յետ վարելոյ իսկ  
 զեօթնամեայ իշխանութիւն արքեպիսկոպոս  
 ստութե իւրոյ Մնատիօք , ուր եկն զկնի  
 ժողովոյ առարքելոցն , ըստ գրութեան  
 արքոյն Պողոսի առ Վաղատացիսն , (բ .  
 11 .) ասրա գնացեալ ասեն 'ի Հռովմ ,  
 և եղեալ անդր զաթող իւր վարեալ  
 զիշխանութիւն պատրութեան զամս 25 ,  
 ըստ Հերոնիմասի . կամ զամս 24 , ամիսս  
 5 , և աւուրս 10 , ըստ այլոց . կամ  
 զամս 22 , ըստ ոմանց : Բայց սակայն առ  
 ռանց կողմնաստահութեան կրից յառա  
 քելահան բանիցն կարգ հայեցեալ՝ գը  
 տանեմք զամենեւին անհիմն բարբառել ,  
 և կամ սրարզամիտ հաւանութեամբ ըստ  
 ընթերցման զնախկին գրութիւն յետոյ  
 սրատմաբանին՝ խօսեցեալ . զի չկայր 'ի  
 միջի առ իթ զառարքելահան բանիցն ժա  
 մանակագրութի ճշդիւ 'ի քննութի առ  
 նուլ 'ի մասնաւորի որպէս և յառաջն  
 ատացար : Վասն զի եթէ ըստ ճիշդ ժա  
 մանակագրութեն վարեցուք որք յառա  
 քելահան բանիցն գուշակին ստուգիւ ,

ոչ որքան ասենն , այլ մի կամ երկու  
 կամ առաւել ևս՝ երեք ամ հազիւ գը-  
 տանեմք զանյիշատակութի լինելոյ սրբա-  
 զանին Պետրոսի ՚ի կողմանս Պաղեստինու  
 և Մաիորայ , և զհարգ տալ հնար իցէ  
 նմա զայնքան ժամանակս ՚ի Հռովմ :

Իսկ եթէ ասիցենն , թէսկիտ ոչ որքան  
 գրին , սակայն գէթ սակաւ ինչ ամօք  
 կացեալ իցէ սրապ ՚ի Հռովմ . և այն  
 իսկ բաւական է : Այլ սակայն ծանիցեն  
 հաւաստի զի սոյն այս իսկ է , որ զգրու-  
 թիւն նոցա մուրձ ՚ի ձեռին տապալ կոր-  
 ծանէ : Օի եթէ բաղում ամօք յետոյ  
 քան զոր ասենն , գնացեալ իցէ նա ՚ի  
 Հռովմ , յայտ է զի յառաջ քան զնա  
 քարողեալ էր անդ քրիստոնէութիւն ,  
 և կայր հիմնեալ եկեղեցի . և ինքն Պետ-  
 ոսս ՚ի յայլմէ եղեալ հիմանն վերայ ե-  
 ղև շինող և յաջորդ նախկին հիմնա-  
 դրին : Աւ զհարգ ոչ ունայնացին այ-  
 սուիկ՝ մարդ կորէն խորհրդով պարծանքն  
 Հռովմայեցւոց . զի սրով համօրէն իշ-  
 խել ամենայն եկեղեցեացն քրիստոնէից  
 գոռողացեալ զամենայն ջանս ջանան , և

Ի յեփեսոսն ճիգն վաստակեալ քրտնուէն և նովին և զցածուցեալ ստորե ընդ հասկառակն փքացման իւրեանց բերին, որպէս և վճիռն է տէրունական :

Ասիցէ որ ինձ առ այս ուլ յանդուգն դու և անդր քան զչափ անձին վերաջող, չղանգիտե՞ս ընդդէմ հասարակ կարծեաց դիմախօսել, ամենեքին՝ որք ՚ի սկզբանէ և այսր գրով աւանդեն՝ արք մեծարոյք, նրբինք և դերիմաստ, ստեցին, և առ յեանադոյն ճնունդդ յեփեսոս ժամանակի՝ անշուք ծանծաղութիւնդ միայն մնաց ճշմարտել :

Արու՛մ տամ պատասխանի, Այն գիտեմ զանձինս նուաստութիւն, ճանաչեմ զինքնս բոլորովին յեանեալ ՚ի շնորհաց, սակայն չունիմ յանդգնութիւն յայդ կարծիս, որ զառաքելական բանիցն զտեսութիւն բուռնհար եղէ բերել ՚ի յայտնութիւն : Այլա թէ ոչ՝ գիտեմ զամենեօին զնոսա վեհս և նրբիմացս, սունիմ և զբաղումս ՚ի նոցանէ սուրբս և տօնելիս ընդունիլ և ընդունիմ իսկ, սակայն առաքելական բանիցն ճշմարտու :

Թեան երևոյթ տայ ինձ համարիլ զնոսա  
 յայտմասին, թէ ճիշդ խուզարկու  
 Թեամբ հոգացան զժամանակադրուէն,  
 և ոչ յայս մտաց տեսութիւն սարսաղե  
 ցին. զի չկայր յառաջին ժամանակս վասն  
 Հռովմայ գահին զորոց հակառակուէ,  
 և ոչ իսկ ինքեանք Հռովմայեցոց նախ  
 կին գահակալք յայս ընդհանուր իշխա  
 նութիւն զանձինս ձկտեցուցանէին. Աւս  
 տի և միամիտ հաւանութեամբ ըստ դը  
 րութեան յեանոցն զնոյն ասէին և գրէ  
 ին. վասն սրոյ ՚ի վինել զօրաւոր ևս սրատ  
 ճառաց՝ զօրե՞ն ինչ արդեօք տկարագոյնք,  
 յուժմէ և ասիցին :

Վանդի թէսլետե ընդաբոյս է նոցա  
 գահասիրութիւն, և եռանդն ընդ ձե  
 ռամբ բերելոյ ՚ի սարժանս իւրեանց ըզ  
 սարժելիս, ունի զաթոռ իւր ՚ի կողմանս  
 յայնոսիկ՝ ըստ հնագոյն վիպացն ստու  
 գագրելոց. սակայն այս փոյթ իշխանա  
 սիրութեան յետոյ ուրեմն տիրեաց յե  
 կեղեցի, և վեր ՚ի վայր երբեր զբարե  
 կարգութիւնն : Այս այս բարեխանգար  
 տենչ գահասիրութեան յընտանի փս,

քասիրութենէ յղացեալ արտաքոյ կան  
 նոնաց՝ յամս 858 . ճնունդս վիժել սկը  
 սաւ յեկեղեցին Կոստանդինուպօլսի . ա  
 ռիթ առեալ ինքեան զհակառակունին  
 Պողիոսի և Իզնատիոսի . և բազմաց  
 մնասուց պատճառ եղև ՚ի դահասէր դու  
 ռողութենէ Նիկողայոս պապին . որ ըստ  
 ամբարտաւանութեան մտաց իւրոց կա  
 մելով ընդարձակել զիշխանութիւն իւր  
 և ՚ի վերայ արևելեան եկեղեցւոյն և նու  
 վաւ ՚ի վերայ բոլոր բրիտանից կամա  
 կոր ձեռնարկութեամբ յաստուածային  
 տառիցն ՚ի նոյն նկրտեցաւ , և ելից բազ  
 մաւիրդով աղմկաւ զտունն Յունաց . զու  
 ըրոյ յետ ժամանակաց բազմաց և մէք իսկ  
 առար զդառնագոյն ճաշակ յաւուրս տէ  
 րութեանն Վիլիկիոյ : Այլ նանրացաւ և  
 ընդվայր՝ եղև խրոխտումն հռովմէական ,  
 և միայն զպառակտումն միութեան եկե  
 ղեցւոյ ստղաբերեաց . թէ և տակաւին  
 ՚ի նոյն ջանսկայ անմեղկելի բակն Հռով  
 մայ : Օի սկսեալ յամաց Տեառն 865 ,  
 մինչև ցամն 1439 , յաղագս սոյն և այսր  
 իրի բազում ժողովք գումարեցան յա



բեւելս և յարեմուտս . և սկսան աստի  
 և անտի նետս նզովից և բանադրանաց  
 զիրերօք տեղալ չարաչար որոտմամբ :  
 Եւ Եղիա Մինեադիս եպիսկոպոս Յու  
 նաց՝ նետք Նիկողայոս պապին հին Հռով  
 մայ իբրև նետք տղայոց համարէին , ա  
 սէ , յօտարոտի դատարանէ արկեալք :  
 Եւ ինքն իսկ Նիկողայոս , որ առաջինն  
 եղև բորբոքիչ սոյն այսմ բաղմատո  
 չոր բոցոյ յեկեղեցին , ՚ի ներքոյ ժո  
 ղովական նզովից մեռեալ ՚ի 867 ամին ,  
 նոյեմ . 13 , զախտն աւագասիրութեան  
 եթող յիւր յաջորդս . որք հետզհետէ  
 չարաչար բաժանուան մուծին յեկեղեցի .  
 և զայլոց ևս բաղմաց խաղաղիկ անդոր  
 ոութիւն վեր ՚ի վայր տապալեցին , և  
 տակաւին ՚ի նոյնս կամակորին :

Յառաջին ամսն լուսաւորութեան մը  
 կրտսութեամբ սուրբ աւագանին ազգին  
 Բուլղարաց ՚ի ձեռն ջանից , Յունաց ,  
 անդէն առ նմին քարոզս և եպիսկոպոսս  
 առաքեալ առ նոսա սրապն Նիկողայոս ,  
 աղարտել սկսաւ զմատակարարութիւնսն  
 խորհրդոյ Յունաց եկեղեցւոյն , և նոր

ճանել իւղով , քարողելով իսկ և իսկ  
 ապախտ և անվուեր դյուենական հաւա-  
 տալիան , սակայն չկարաց հասանիլ իւ-  
 ռուին բաղձանաց դարձուցանելով գնոսա  
 ՚ի Հռովմէական աթոռոյ հնազանդու-  
 թիւն , և կամ արմատացուցանել առ  
 նորագործ անդատանս նոցա զսերմանս  
 իւրոյ վարդապետութեան . զի Տէր ամ-  
 բարտաւանից հակառակ կայ :

Յաջորդ զինքեանս քարողելով սրբա-  
 զանին Վեարոսի՝ ոչ առաքելաբար , այլ  
 աստուածօրէն ձեռն արկին ՚ի սէս սէս  
 նորաձեռութիւնս . և ինքնօրէն փքաց-  
 ՚մամբ ուշ ՚ի կուրծս արարին ամենայն  
 ջանիւք ինքեանց համաձայնել , զորս ՚ի  
 նախնի աւանդութիւնս անխտոր գնա-  
 ՚յին : Օսոյն զայս անաչառ խոստովանի  
 մեծ աստուածաբանն Վաղղիացւոյ՝ Տէր  
 Միմէօն քահանայ հռովմէական եկեղե-  
 ցւոյ . որ ամենայն լեղուաց և գրոց ա-  
 րեւելեան բրիտանից հմուտն էր և ներ-  
 կուռ , և իմաստութեամբ հռչակեալ  
 ընդ ամենայն արեմուտս բաղձապատիկ  
 գրոցն սրտաձառաւ . սա գերկու գիրս

ևս գրեալ վասն կրօնից արևելականաց ,  
բազում ինչ ասէ տնաչառ . եւ ասլա  
սաստկագոյնս կշտամբէ զեւրոպէական  
վարդապետս , որք շրջին յարևելս և  
անիմասա բարուքն իւրեանց բորբոքեն  
զհուր թշնամուլթեան 'ի մէջ եկեղեցւոյ ,  
ուներլով բանին օրինակ զայս .

“ Փոխանակ ցուցանելոյ (ասէ) թէ ա-  
“ րևելեան և արևմտեան եկեղեցիքն զմի  
“ և զնոյն հաւատս ունին , նորին իսկ ար-  
“ գէտքն և անիմաստք , և նախանձոտք  
“ միայն 'ի զուր բամբասել ջանան զնո-  
“ տա , և ստուլթեամբ չարախօսել զնո-  
“ ցանէ , թէ հերձուածող են . ուր զի և  
“ ոչ զստուեր հերձուածողութեան ու-  
“ նին նորա : Աւ սորա զոր ինչ տեսա-  
“ նեն 'ի մէջ արևելեան եկեղեցեաց  
“ զանազան 'ի մերոց սովորութեանց ,  
“ առանցքննութեան զսղազակ բառնան ,  
“ թէ հերձիք է այս . որպէս և յայտնի  
“ երևի 'ի գիրս այնոցիկ , որք գրեցին  
“ ընդգէմ արևելականացն : Աւ ոչ գի-  
“ տեն տգէտքն այնոքիկ և դատարիքն թէ  
“ արևելեան եկեղեցիքն զայն ամենայն

“ աւանդութիւնսն ունին յառաջին ժա-  
 “ մանակաց անտի սրբոց հայրապետացն  
 “ Մթանասի, Վիւրղի, Յովհաննու Սա-  
 “ կերերանին, և այլոց ևս առաջին սուրբ  
 “ հայրապետացն: Ալ կարծեն տգիտու-  
 “ թեամբ թէ արևելեան եկեղեցիք յա-  
 “ ռաջին աւանդութեց զբազում բանս  
 “ փոփոխեալ իցեն, մինչ ոչ արևելա-  
 “ կանքն, այլ մեք արևմտականքս փո-  
 “ փոխեալ եմք, և զնորաձև վարդապե-  
 “ տութիւնս մուծեալ, և այլն” :

Օայս օրինակ խօսի և Վուկաս ներհուն  
 աստուածաբան զխաւոր պահապանն  
 գրքատան պապին ՚ի գիրսն իւր, որ տպե-  
 ցաւ հրամանաւ Սրանչիսկոս Պարպերի.  
 նոս կարդինալին, ասելով.

“ Պատճառ ողբալի բաժանման արև-  
 “ ելեան և արևմտեան եկեղեցեացն մեյ  
 “ Ալրոպէական վարդապետքն են, քան  
 “ զի ոչ ինչ հոգան բնաւին վասն ճշմար-  
 “ տութեան և սիրոյ, զոր ունիլ պարտ-  
 “ է առ եղբարս. այլ միայն յաղթել  
 “ խնդրեն այլոց, և հրամայել նոցա զոր  
 “ ինչ ակտորժեն: Ալ այսպէս բորբոքել

“ աստանայական ցանկու թեամբն հակա՝  
 “ ճառել և յաղթել այլոց , առաւել  
 “ վառեն ՚ի մէջ եկեղեցւոյ զհուր բաւ  
 “ ժանման , և այլն ” :

Այսպէս խօսին և այսպէս ուսուցա-  
 նեն և այլ բազում արք բարեխորհուրդք :  
 սակայն մեծագոյն մասն՝ որք զհետ տեն-  
 ջանաց ինքնակալին իւրեանց՝ ( զի զայս  
 անուն գնէ պատին ուխտն դադղական  
 ՚ի միտս հեգնութեան ) զսկատեալ են ,  
 ջանան և ջանան զամենեւին ՚ի ներքոյ  
 իշխանութեան Հռովմայ արկանել , հիմն  
 ունելով ընդհանուր այնմ իշխանութե  
 զորբազանն Պետրոս : Ար թէ և գնացեալ  
 համարեսցի յառաքելութիւն Հռովմայ ,  
 ոչ ինչ զօրէ խրոխտումն հռովմեական ,  
 և տառք աստուածայինք յայնպիսի միտս  
 չսեղմեն զտեսութիւն բանին , զոր ա-  
 խորժեն Հռովմայեցիք : սակայն առա-  
 ւել ևս նանրանայ , յորժամ ստուգի ,  
 թէ սրբազանն Պետրոս իբրու յատուկ  
 առաքեալ չէ գնացեալ ՚ի Հռովմ , որ-  
 պէս և ճշգրտիւ ցուցանէ ձեզ Սատեանե  
աստուածային :

Վէպ եղև ինձ երբեմն 'ի հանդիսի ու  
 բուք տեսանել զոմն սարկաւագ հռով-  
 մէական, որ առանց հարցանելոյ ուրուք  
 և առանց առթի, միայն զոմնս գլխա-  
 ւոր առարկելոցն ունելով պատեհաւորիչ  
 խօսելոյ, առաց ինքնին, թէ Վեք ևս  
 ոչ ատեմք զսուրբն Վեարոս կենդանւոյն  
 գնացեալ 'ի Հռովմ: Ապա այն ստուգի,  
 թէ պարծենկոտութիւն Հռովմայ տանի  
 անդ զսուրբն Վեարոս, որպէս զի պատ-  
 ճառս գտցէ ընդ վայր խրոխտալ, այլ  
 զնորս խրոխտ և ուխտն գաղղիական ըն-  
 դատնէ, և զերևակայական ընդ հանրու-  
 թիւն իշխանութե նորա 'ի դերևս հանէ  
 բազում հաստատութեամբ, զորմէ եր-  
 կար լինի գրել:

Այլ դու մի զարմանար ընդ այն, զի  
 մեծամտութիւն հռովմէական զարբազանն  
 Վեարոս, երևակայական դատմամբ պաս-  
 կացուցանեն 'ի Հռովմ, զի զընդ հանրա-  
 կանութիւն իշխանութե իւրոյ գլխաւո-  
 րութեամբ նորա հաստատեցէ անհիմն  
 բանիւք, այլ և ընդ այն զարմացիր, զի  
 ակտորթելով քան զամենեւին փարթամա-

գոյն հանդիսանալ , զայնպիսի ինչ իրս  
տանի զեռեղէ անդանօր , որում ոչ որ  
ի զգաստից հաւատ ընծայէ . այլ մանա  
ւանդ և ընդ ստոյգսն իսկ տարակուսի :

Ընթերցիր “ զՆոր Ազգեկցութիւն Հը  
րեշտակային ” անուանեալ գրքոյկն , որ  
վկայութեամբ Հռովմէականացն տպա  
գրեալ է ՚ի Հռովմ յամին 1725 . և  
տեսցես թէ զորպիսի իրս տանի հաւաքէ  
յեկեղեցիս Հռովմայ : Ընդ այլ բաղ  
մաթիւ մասանցն ասէ լինել և ՚ի սուրբ  
Մարիամ Մաճօրն զգօտի և զանկողին  
Արբուհւոյ կուսին Մարիամու , զծիրա  
նին Քրիստոսի , և զօրօրոցն մանկու  
թեան նորս ընդ խանձարրոյն : Ի Յով  
հաննէս Աթէրանին ասէ լինել յեա  
այլոց և զքօղն Աստուածածնին զվարչա  
մակն Քրիստոսի և զԶուրն և զարիւնն ,  
որք բղսեցին ՚ի կողէն Յիսուսի յորժամ  
եբաց զինուորն գեղարդեամբ , մինչ էրն  
ի խաչին : Յեկեղեցին սրբոյն Պետրոսի  
ընդ այլ մասանցն զնէ լինել և ՚ի խոսոց  
մարոյն ուր ՚ի ճննդեանն եգաւ Քրիս  
տոս : Յեկեղեցին սրբոյն Մարիամու գնէ

Գհերսն Աստուածածնին և դքողն, զմսուրն  
 բոլոր, և այլն: Յեկեղեցին սրբոյն Սու-  
 քոսի ասէ լինել մասն 'ի վիմէն ուր հան-  
 դեաւ կոյսն Սարիամ յերթալն 'ի լեռ-  
 նակողմն, և մասն 'ի տանէ Աղիաբեթի.  
 հերքն և կաթն սուրբ Աստուածածնին:  
 Յեկեղեցին երկոտասան սուրբ առաքե-  
 լոցն դնէ զարիւն Յակովբու մեծի՝ տա-  
 կաւին չուռուցեալ, և այլն: Ի մասուռն  
 որ կոչի Սրբութի Սրբոց՝ ասէ դու մասն  
 յիսկական մարմնոյն Քրիստոսի, և հաց  
 մի յընթրեաց սեղանոյ ընդ երկոտասան  
 փշրանաց, և հերքն Յովհաննու աւետա-  
 րանչին, տախտակն՝ յորոյ վերայ նստեալ  
 լուաց զոտս աշակերտաց՝ Տէրն մեր, և  
 այլն, զորս թուել ձանձրոյթ է լսելեաց:

Արդ 'ի միտ առ ուշիմութեամբ, զի  
 եթէ զայսոսիկ, յորոց բազումք յայտ-  
 նապէս են անկարելիք, համարձակ 'ի  
 դիր արձանացուցանեն լինել 'ի Հռովմ,  
 զի պարճանք իւրեանց սուաւելցի, և  
 հասոյթքն յեկեղոց անդր ուխտաւորաց  
 առատ հաւաքեցցին, զի՛նչ արգելու և  
 զորբաղանն Պետրոս իսկ ածել 'ի Հռովմ,



տեսեալ թէ կարկատուն և քմական մեկ  
 նութեամբ աստուածային գրոց , իշխա-  
 նութիւն իւրեանց ընդհանրանայ : Այլ  
 տեսնիմ զկատարածն ջանից նոցա , զի  
 որքան յերկս մխեցան ընդարձակել զիշ-  
 խանութիւն իւրեանց յայլ եկեղեցիս  
 քրիստոնէից , նոյնքանեօք ևս յիւրեանց  
 սեպհական ժողովրդոցն զրկեալ մնացին :  
 Այլ որքան ջանացին արտաքոյ իւրեանց  
 սահմանի բազուկս տարածել , 'ի բնիկ  
 սահմանի անդր կծկեալ կարճեցան ,  
 յիւրեանցն գաւթէ զհօտս իւրեանց  
 շրտուցանելով :

Յիւրեանս զայս ինչ գործեցին , իսկ  
 յայլս զի՞նչ արդեօք . — զբազում մնասս  
 և զկործանմունս , խոստացան առերևոյթ  
 յոյս օգնականութեան անմեղաց սրաշա-  
 րեւոց 'ի թշնամեաց , որպէս զի այնու  
 կարասցեն հասանիլ իւրեանց փափաքա-  
 նաց , զամենայն եկեղեցիս քրիստոնէայ  
 ազգաց ընդ իշխանութեամբն արկեալ  
 Հռովմայ , և կործանման պատճառք ե-  
 ղեն բազում թագաւորութեանց . որ-  
 պէս վկայեն մեզ նախնեացն պատմութիւնք :

Այլ նորա մաշեցան 'ի խորհուրդս իւրեանց զոր խորհեցան , սակայն և մաշեցին զբողոժ անմեղս . որոյ մնասուց պարտական են տալ զհամար յահաւորն ատենին :

Իսկ մեք վերջացուցանել զբանս կամելով՝ զայն դնեմք կնիք բանիս , զոր ասէ ուխտն գաղղիական եկեղեցւոյն .

“ Եթէ ստորագրեսցուք զեկեղեցին Քրիստոսի 'ի ներքոյ պապին , նոյն է . եթէ իջուսցուք զնա վայրագոյն վնելքան զՍինակոկայն Հրէից , որովհետեւ նա գերի է միայն Աստուծոյ . և զեկեղեցին՝ որ է հարսն Քրիստոսի , գերի տունել կամին վարդապետքն Հռովմայ , մարդոյ միոյ՝ այսինքն է պապին , որ մեղանչական է և մահկանացու ” :









